

INGUZU ZYA-LEZA



Lyakalembwa a-ba
Watson Goodman

Aka kabbuku
takeelede kuulisigwa

INGUZU ZYA-LEZA

Inga muntu buyo ulapandulula buti inguzu abupati bwa-Mulengi wesu? Tacikonzeki kucitwa mboceelede nkaambo Leza mupati cakunga mizeezo yesu taikonzya kuzitelela zyoonse zintu zjatikizya makani a-Leza.

Pele Leza ulaliyubununa mubbuku lyakwe, IBbaibble. Kuzwa mulindilyo tulakonzya kujana luzibo luya bukomena Iwanguzu zyakwe zyakucita KUFUMBWA cintu nocili buti azeezyo nzotuyeyya kuti tazikonzeki kucitwa! Wakalenga inyika akwianzika kutakwe ciliko. Inyika mpiili kwamyaka eeyi iili zyuulu zyuulu nkaambo kanguzu zyakwe. Ulazumanana kwiibamba nokuba kuti inguzu zya-Saatani azyabantu zilamwaya.

Atulange lino mu-Jwi lya-Leza tubone mbwayubuna-na inguzu zakwe zigambya.

-Watson Goodman (1920-2002)

INGUZU ZYA-LEZA ZYAKULENGA

1

Nguwe iwakalenga nyika kunguzu zyakwe, iwabamba luwa mubusongo bwakwe, akutandabika majulu mumaanu aakwe.

—Jeremiya 10:12

Lino Leza mulamukozyanya ani? . . . Ngonguwe uukede atala lyamubalo wanyika, nkabela bantu bayo bali mbuli cisozi. Ngonguwe uuyala ijulu mbuli cisitilizyo akuliyanika mbuli itente lyakuka-la mumo. . . Lino nguni ngumuko-nzya kundikozyanya awe? Nguni ngutukonzya kweelana awe? mbwaamba Uusalala. Amuululale mubone kujulu. Ezi zyoonse nguni wakazilenga? Ulapozya makamu aazyo cakubala mweelwe wazyo.

Zyoonse buyo ulaziita mazina. Mubupati bwakwe bugambya, mbwali singuzu, taakwe niiba yomwe iibulika.

—Isaya 40:18a, 22, 25, 26

Akaka Mwami Jehova! Nduwe iwakalenga ijulu anyika yoonse kunguzu zyako ziyoosya akukuboko kwako kutandabede. Taa-kwe cintu niciba comwe cikukaci-la.

—Jeremiya 32:17

Leza . . . kumamanino, sunu, ci-no ciindi watwaambila mu-Mwanaakwe, ngwaakasala cuti abe ngomukamwini wazintu zyoonse, alimwi kulinguwe wakaanza zintu zyoonse. —Ba-Hebrayo 1:1a, 2

2 SAATANI TAKONZYI KULENGA NYIKA AKWILENGE- LEZYA KUBUSENA BUTAKWE CINTU

Kumatalikilo Ijwi wakaliko, awalo Ijwi wakali antoomwe a-Leza, eno Ijwi oyo wakali Leza. . . Zyoonse zintu nkozyakaanzwa kulinguwe, kuti naatali nguwe no-kutakwe ecomwe icakaanzwa. . . Mubbi uzida buyo kubba aku-jaya akunyonyauna.

—Johane 1:1 a-3; 10:10a

Wakati kulimbabo, Ndakamu-bona Saatani ulaloka kujulu mbu-li lulabo. —Luka 10:18

Amulibatamike akucenjela, nkaambo sinkondonyoko Saatani uleendeenda mbuli syuumbwa wa-butambo akuya buyandaula ngwati lume. —1 Petro 5:8

Eno mbotuli bana ba-Leza, ta-tweelede kucita anga Leza ulako-zyanisigwa engolida, niiba nsiliva, neliba ibbwe, izyakabezwa abuuza amaanu aamuntu. —Incito 17:29

Nsiyandi kuti mube basiluswaa-no babadaimona.

—1 Ba-Korinto 10:20b

Alimwi Jesu wakabaambila ku-ti, Ndime mumuni wenyika, uundicilila takoooyoenda mu-mudima, pele uyooba amumuni wa-buumi. —Johane 8:12

Lino Jesu wakabavviila, waka-ti, Mwalyeena. Tamuzi magwalo niziba inguzu zya-Leza.

—Matayo 22:29

Leza wakaamba komwe, ndaka-muswiilila obo ziindi zyobile; kuti inguzu nzizya-Leza.

—Intembauzyo 62:11

Ncobeni Leza wesu uli kujulu. Kufumbwa ncayanda ulacicita.

—Intembauzyo 115:3

Ncobeni kuzwa kubuzuba obuno ndime oyo. Taakwe uukonzya kuvuna kumaanza aangu.

—Isaya 43:13a

Bupati anguzu abulemu aluzundo abwami, zyoonse nzizyako, O Jehova, nkaambo zintu zyoonse zyakujulu azyaansi nzizyako. Bwami mbobwako, O Jehova, ali-

mwi nduwe nosumpwidwe mbuli simutwe waboonse. Buvubi abulemu, zyoonse zilazwa kulinduwe. Nduwe ooendelezya zyoonse. Mu-maanza aako mozijanwa inguzu abupati. Maanza aako ngaakonzya kusumpula akuyumya.

—1 Makani 29:11, 12a

O Mwami Jehova, watalika kunditondezya mebo ndemulanda wako bupati bwako abuyumu bwamaanza aako. Sa kuli Leza umbi, nekuba kujulu naaba ansi, uukonzya kucita milimo iigambya mbuli nduwe? —Deuteronomo 3:24

Nkaambo taakwe ijwi ilizwa kuli-Leza ilibula nguzu. —Luka 1:37

Mubulemu bwako bupati ulazunda basikukulwisya. Ulatuma bukali bwako, lino bulabatenta mbuli zisiko.

—Kulonga 15:7

Mwami wesu mupati, ngusinguzu loko; busongo bwakwe tabubaliki.

—Intembauzyo 147:5

Nekubaboobo wakabafutula nkaambo kazina lyakwe, kuti azibye inguzu zyakwe.

—Intembauzyo 106:8

Nduwe Jehova olike. Nduwe wakalenga ijulu ajulu lyakujulu amakamu oonse aamulindilyo. Nduwe wakalenga nyika azintu zyoonse zili alinjiyo. Nduwe wakalenga lwizi azyoonse zili mulindulo. Nduwe oabila zyoonse buumi.

Makamu aakujulu alakukomba.

—Nehemiya 9:6

O muuya wangu, kolumba Jehova. O Jehova Leza wangu, uli mupati loko, ulisakatide bulemu abwami.

—Intembauzyo 104:1

Mazuba oonse njookulumba; Njootembaula izina lyako lyoonse alyoonse. Jehova mupati, uleelede kutembaulwa loko; bupati bwakwe tabumvwigwi.

—Intembauzyo 145:2, 3

Bakati, Twakulumba, O Mwami Leza Singuzuzyoonse, Uuliko, Iwakaliko, Uuyoobako, nkaambo walibwezela inguzu zyako impati kuti uendelezye.

—Ciyubunuzyo 11:17

Zilundu kazitana kwaanzwa, kota na kubumba nyika aluwa, ku zwa kuciindi eco akusikila kuzii ndi zyoonse nduwe Leza.

—Intembauzyo 90:2

Pele Jehova ngu-Leza wakasimpe, Leza muumi, Mwami uuteeli. Nyika ilakankama kubukali bwakwe, amisyobo yabantu tiikonzyi kwiiima nji naakalala.

—Jeremiya 10:10

Elyo kwakali majwi mapati mu julu, aati, Bwami bwaansi bwaba bwa-Mwami wesu abwa Kristo wa kwe, nkabela uyooendelezya lyoonse mane kukabe kutamani.

—Ciyubunuzyo 11:15b

Aboobo muyoofonkwedwa bu

njilo bwakunjila mu-Bwami buta mani bwa-Mwami Mufutuli wesu Jesu Kristo. —2 Petro 1:11

Amusyome Jehova lyoonse, nkaambo mu-Mwami Jehova momujenwe indomba iitamani.

—Isaya 26:4

Inguzu Zya-Saatani Ziyoonyonyoonwa

Lino Saatani sikubeena wakasowegwa muziba lyamulilo uuyaka asulufa, . . . (u) zoopenzegwa . . . kukebe kutamani.

—Ciyubunuzyo 20:10

Ma! Zitondezyo zyakwe zilayossa, amalele aakwe alagambya! Bwami bwakwe mbwami butamani . . .

—Daniele 4:3a

Elyo Musa wakatandabika ijanza lyakwe atala alwizi, nkabela masiku oonse Jehova wakapilusya maanzi aalwizi amuuwo muyumu wakujwe, mane kwakaboneka nyika injumu akati kalwizi, amaanzi akapambukana. Lino bana ba-Israyeli bakainda akati kalwizi anyika injumu, amaanzi akababeda mbuli bulambo kululyo akucimwensi. . . . Lino Jehova wa-kaambila Musa kuti, Tandabika ijanza lyako atala alwizi, kuti maanzi aboole aba-Egepita, ankalaki zyabo abasimbizi babo. Elyo Musa wakatandabika ijanza lyakwe atala alwizi, nkabela izuba nelyakapasula, maanzi aalwizi akaswa-

naana mbuli mbwaakabede lyoonse, aboobo ba-Egepita mukucija kwabo bakanjila mulindulo, nkabela Jehova wakabatapwida mulwizi. Maanzi akapiluka, avumba inkalaki abasimbizi ampi yoonse ya-Farao, iyakabatobede mulwizi. Teekwakasyaala naba omwe. . . . Mbuboobu Jehova mbwaakafutu-la ba-Israyeli buzuba obo kuzwa kumaanza aaba-Egepita. Ba-Israyeli bakabona ba-Egepita bafwide ankomwe yalwizi. Elyo ba-Israyeli nebakabona milimo mipati Jehova njaakacitila ba-Egepita, bantu bakayoowa Jehova akusyoma Jehova amulanda wakwe Musa.

—Kulonga 14:21, 22, 26-28, 30, 31a

Kusaninwa Kwabantu Bali Zyuulu-Zyuulu Myaka iili 40

Ciindi calundindiwana tuyoo-
lya nyama, alimwi cifumo tuyoo-
kuta insima, muzibe kuti ndime
Jehova Leza wanu. Lino ciindi ca-
goko kwakasika bakancele banji,
bazuya malao, alimwi cifumo
kwakaboneka mume cakuzyungu-
luka malao. Elyo mume nowaka-
kunkumuka, kwakaboneka ansi,
awo ankanda, tuntu tuniini-niini
mbuli caandwa cituba. Bana ba-
Israyeli batubone buyo, bakabu-
zyanya kuti, Ino ntuntunzi otu?
... Nkabela bana ba-Israyeli ba-
kali kulya Mana myaka iili maku-
mi one, mane bakasika kunyika ii-

li abantu. Bakali kulya mana ma-
ne bakasika kumugaano wacisi ca-
Kanana. —Kulonga 16:12b-15a, 35

Maanzi Aabantu Bali Zyuulu-Zyuulu

Bona! Ndaima kubusyu bwako
agale oko ku-Horebi, lino ukaume
igale; mulindilyo maanzi alazwa,
abantu balanywa. —Kulonga 17:6a

Kwiimikwa Kwamulonga Uuzwide

Nkabela bapaizi basikuyumuna
ibbokesi lyacizuminano ca-Jehova
bakaimikila anyika injumu muka-
ti kamulonga, aba-Israyeli boonse
bakainda anyika injumu.

—Joshua 3:17a

LEZA MUNUNUNI MUPATI!

Aboobo aba bantu bakaangwa, kabasamine zikobela zyabo azibaki zyabo angowani zyabo azyakusama zyabo zyoonse, akuwaalwa mukati kabbila lyamulilo wambangabanga. Lino nkaambo kabukali bwamajwi aamwami, alimwi nkaambo kakuti ibbila lyakayakisya loko, mabangabanga aamulilo akatenta abo bantu ibakatola ba-Sadrake a-Mesaki a-Abedinego.... Nkabela beendelezi bazisi abangambela abami abasinkuta bamwami ibakabungene bakabona kuti mulilo kuutajisi inguzu zyakutenta mibili yabantu aba. Masusu aakumitwe yabo taakwe naakakokonyana, zikobela zyabo

tazikwe nezyakapya, alimwi tabakwe nebakanunka mulilo pe!

—Daniele 3:21, 22 a-27

Mpawo mwami wakalailila, nkabela Daniele wakaletwa, wawaalwa musenengo lyabalavu. Pele mwami wakaambilila Daniele kuti, Leza wako ngosyoma lyoonse uyookuvuna.... Mpawo Daniele wakaambilila mwami kuti, O miami, kopona lyoonse. Leza wangu watuma angelo wakwe, wajala milomo yabalavu, aboobo tabana kundibisizya, nkaambo kwakajanwa kuti nsikwe kaambo kumeso aakwe, alimwi akulinduwe, O miami, niskwe ncindakabisya.

—Daniele 6:16 a-21, 22

INGUZU ZYA-IJWI LYA-LEZA

9

Sa ijwi lyangu talili mbuli mulilo? mbwaamba Jehova. Sa talili mbuli insando iipwayaula mabwe?
—Jeremiya 23:29

Nkaambo ijwi lya-Leza lili abuumi, lili anguzu, lilabosya kwiinda iceba ilijisi mabemba obile, lilaya-sa mane kukwaanzaanya buumi amuuya, aalo maswaanganino aazifuwa amooma, alimwi lilabete ka kuyeeya akuyanda kwamoyo.
—Ba-Hebrayo 4:12

Alimwi amubweze ingoani yalu-futuko, apanga lya-Muuya, nku-kiuti ijwi lya-Leza. —Ba-Efeso 6:17

Ino mukubusi asalazye buti inzila yakwe? Ulaibamba mbubo-

nya mbuli ijwi lyako.

—Intembauzyo 119:9

Nywebo mulikokwedwe kale nkaambo kejwi ndendamwaambi-la.
—Johane 15:3b

Ubasalazye abwini bwako, ijwi lyako mbobwini. —Johane 17:17

Amujatisye ijwi lya-Leza.

—Ba-Filipi 2:16a

Eno Jesu wakabaambila ba-Juda abo abakamusyoma kuti, Mwa-jatisya majwi aangu, ncobeni mwaba basikwiiya bangu.

—Johane 8:31

Kupandulula majwi aako kula-munikila, kulasongwaazya batezi.
—Intembauzyo 119:130

Nkaambo muli-Kristo mubuke-de bu-Leza boonse buzulide camibili.

—Ba-Kolose 2:9

Amubone. Oyu musimbi uzoomita, uzootumbuka mwana mulombe. Nkabela bazoomuulika izina lya-Emanuele, nkukwaamba kuti, Leza uli aswe. Lino Josefa ... wakalitambwida mwanakazi, nekubabooobo katamuzi mane do wakatumbuka mwana mulombe, elyo wakamuulika izina lya-Jesu.

—Matayo 1:23-25

Pele Jesu wakabavuwa kuti, Mbubonya Taata mbwacibeleka ambuli sunu, amebo ncembeleka. Ba-Juda ncebakali kusoleka kapti kuti bamujaye, nkaambo takuli

kusotoka mulao wa-Sabata kwalo pe, pele akwalo kwaamba kuti Leza ngo-Wisi mwini, nkokuti wali kulipa ka-Lezaleza.

—Johane 5:17, 18

Pele wakabikwa mbuli Mwana a-Leza anguzu a-Muuya Uusalala kukubusigwa kubafu.

—Ba-Roma 1:4a

Bulowa Bwa-Kristo Mbulowa Bwa-Leza

Amujatisye, Iwanu nobeni, abutanga boonse mbuumubika Muuya Uusalala kuti mube balinguzi bambubo, mulele mbungano ya-Mwami njakaula abulowa bwakwe mwini.

—Incito 20:28

Akuzwa kuli-Jesu Kristo . . .
 Ndime Alfa a-Omega, matalikilo
 amamanino, mbwaamba Jehova
 Uuliko, Uwakaliko, Uuyoobako,
 Singuzuzyoonse.

—Ciyubunuzyo 1:5a, 8

Nguwenya Taateesu iwakatufu-tula kuzwa kunguzu zyamudima akutunjizya mu-Bwami bwa-Mwanaakwe uuyandwa. Mumwa-naakwe oyo mutujene lununuko abulekelelo bwazibi. Ngonguwe cikozyano ca-Leza uutabonwi, mutaanzi kuzyalwa kuzilenge zyoo-nse, nkaambo mulinguwe muzya-kalengwa zintu zyoonse, zyamuju-lu azyaansi, zintu zibonwa azi-

tabonwi, zyuuno zyabwami, bami, beendelezi abasinguzu, zyoo-nse buyo zyakalengwa anguwe kuti zibe zyakwe.

—Ba-Kolose 1:13-16

Kuti uyobole aya makani ngo-walaililwa, cakubula impu nanka kampenda, mane do kubuzuba mbwayoopompa Mwami wesu Je-su Kristo. Oko kupompa kuyooba kuciindi ceelede, nkaambo uyoo-kuleta Singuzu uutembaulika, uu-iide alike, Mwami wabami, Mwe-endelezi wabeendelezi, uupona amuyamyaaka . . . Abe abulemu anguzu zitamani. Ameni.

—1 Timoteo 6:14-16

12 KRISTO, MBULI WISI, MUPATI KWIINDA BOONSE

Awalo uundibona, ubona nguwe uwakandituma. —Johane 12:45

Walo, mbwali nguumwesya bulemu bwa-Leza, alimwi nguwenya ncecizibyo icizibya mbwabede Leza, nguuyumya zintu zyoonse kujwi lyakwe lili anguzu, naakama-na kulituula kuti abe cituuzyo ca-kusalazya bantu kuzibi, wakaaku-kala kujulu kululyo lwacuuno ca-Leza cabupati. —Ba-Hebrayo 1:3

Ambuzibede inguzu zyakwe impati loko ziinda nzyajisi kulin-diswe, swebo nituzumina. Ezi inguzu zilabeleka muciyanza ciga-mbya loko, nzizyonya zyakalibon-nya muli-Jesu Kristo kuciindi eco ncaakamubusya kuzwa kubafu

akumubika kujanza lyakwe lyalu-lyo mumyeenya yamujuju, kuti ai-nde loko boonse beendelezi abapati abasinguzu abami, akulemekwa kwiinda mazina oonse aambwa, ni-kuba kuciindi ecino nikuba kuciindi ciciza. Wakabika zintu zyoo-nse kensi lyamaulu aakwe.

—Ba-Efeso 1:19-22a

Mebo a-Taata tuli umwi. Pele kuti ndiicita, nomutandisyomi mebo, amusyome milimo, kuti muzibe akumvwa kuti Taata uli mulindime, amebo ndi muli-Taata. —Johane 10:30 a-38

Alimwi wakamupa bwami bwa-kubeteka, nkaambo ngonguwe Mwana a-Muntu. —Johane 5:27

Ngaa-Jesu wa-Nazareta, mbwaa-kamunanika Leza a-Muuya Uusalala enguzu. Walo wakali kuzelen-gana kucita zibotu, akuponya boonse abalyatidwe Saatani, nkaambo Leza wakali awe.

—Incito 10:38

Ndilyonya Petro wakaamba wati, Hananiya, nkaambonzi Saatani ncaazuzya moyo wako kuti uce-nge Muuya Uusalala, usise amwi mali ngookauzya muunda? Nowa-cikede sena towakali wako? Ano-wauzigwa, sena towali kunguzu zyako? Ino wayeeyelanzi makani ayo mumoyo wako? Tobejede ku-bantu pe, wabejela Leza. Hanani-ya naakamvwa majwi ayo, waka-

wida ansi, wafwa. Nkabela baka-yoowesyaboonse abakamvwa ma-kani.

—Incito 5:3-5

*Wakazuzya Basyomi Akupa
Kaanzambwene*

Lino nobakamana kukomba, ci-bunganino cabotakazungaani-zigwa, elyo boonse bakazuzigwa Muuya Uusalala, nkabela bakata-likakwaamba makani aa-Leza akaanzambwene.

—Incito 4:31

*Upa Kuti Luyando
Lwa-Leza Lubeleke*

Nkabela bulangizi tabuuysi bweeme, nkaambo kakuti luyandi-syo lwa-Leza lulapaya mumyoyo yesu kuzwa ku-Muuya Uusalala ngutwapegwa.

—Ba-Roma 5:5

Nkaambo kaako, walo uli anguzu zitamani zyakubafutula abo abaswena kuli-Leza kujanza lyakwe, nkaambo lyoonse buyo mpa-li, ulabakombelezya.

—Ba-Hebrayo 7:25

Lino kuliyooyo uukonzya kumkwabilila kukulebwa, akumusitikizya cakukondwa kubusyu bwabulemu bwakwe, kamutakwe akampenda.

—Juda 24

Nkaambo ndilimuzi oyo ngwensyoma, nkabela moyo wangu ulisinizizye kuti walo ulakonzya kuyobola ncendabika mumaanza aakwe mane kusikila kubuzuba obo.

—2 Timoteo 1:12b

Leza ulakonzya kumulongezya kukumupa buvubi bunji, kuti lyoonse mukabe azintu zyoonse zyee-lede zyakuligwasya nubeni, alimwi kuti mukabe azintu zyakucitila bamwi milimo mibotu.

—2 Ba-Korinto 9:8

Leza ulakonzya kubusizya Abrahamu bana kumabwe aya.

—Luka 3:8b

Abrahamu, . . . Teewakadoone-ka kucisyomezyo ca-Leza kukutasyoma pe, pele wakayumisigwa mulusyomo, kukupa Leza bule-mu, akusyomenena kuti eco ncaa-kasyomezya ulakonzya kucicita ncobeni.

—Ba-Roma 4:16c a-20, 21

Lino sunu mebo nde-Nebukadi-nezara ndalemeka akutembaula akulumba Mwami wakujulu, nkaambo milimo yakwe yoonse njakasimpe, anzila zyakwe zililuleme, abaabo beenda cakulisumpula ulakonzya kubafwiinsya.

—Daniele 4:37

Na Leza wesu ngotukomba uliji si inguzu zyakutuvuna kuzwa kubbila lyamulilo wamabangabanga, uyoottuvuna mumaanza aako, O mwami. . . Mpawo Nebukadinezara wakaswena afwiifwi kumulyango wabbila lyamulilo wamabangabanga, wati, Noba-Sadrake a-Mesaki a-Abedinego, balanda ba-Leza wakujulu, amuzwe,

muboole okuno. . . bakabona kuti mulilo kuutajisi inguzu zyakuenta mibili yabantu aba. Masusu aakumitwe yabo taakwe naakakkonyana, . . . alimwi tabakwe nebakanunka mulilo pe!

—Daniele 3:17, 26a, 27b

Awalo mbubonya mbwaakali-mvwida mwini kusunkwa akuenga, ncobeni inga ulakonzya kubagwasya abo abasunkwa.

—Ba-Hebrayo 2:18

Inguzu Zizunda Lufu

Nkaambo wakayeeya kuti Leza uliji si inguzu neziba zyakubusya bantu kukufwa.

—Ba-Hebrayo 11:19a

Alimwi ulizi kuti kuzwa kucindi niwakacili mwana ulyeezi magwalo aasalala aakonzya kukusongwaazya mukufutulwa kulusyomo luli muli-Kristo Jesu.

—2 Timoteo 3:15

Ino nduweni webo nobeteka similimo wamuntu umbi? Makani aamwami wakwe mwini naaimananka kuwa. Nkabela ulaima ncobeni, nkaambo Mwami ulakonzya kumwiimikizya. —Ba-Roma 14:4

Lino kulinguwe uukonzya kucita loko mane akwiinda zyoonse nzitukumbila nanka nzituyeeya, mbuli inguzu zibeleka mukati kesu, kulinguwe akube bulemu mu-

mbungano amuli-Jesu Kristo muzukulu yoonse iiciza mane kubake kutamani. Ameni.

—Ba-Efeso 3:20, 21

Eno nobakwesu, ndamubika ku-Mwami, akujwi lyaluzyalo lwakwe, ilikonzya kumuyaka, akumupa lukono akati kabo boonse abasalazigwa. —Incito 20:32

Lino ndabuzya kuti, Sa Leza ulicitakatide cisi cakwe? Ne! Ambebo ndi mu-Israyeli, ndazwa kumbuto zya-Abrahamu, akumukowa wa-Benjamini. . . . Abalo, kuti batakakatili kukutasyoma kwabo, balasimpikilwa. Leza ulakonzya kubweedela kubasimpikila.

—Ba-Roma 11:1 a-23

O Jehova, nowakabika moyo wako kuzibi zyesu, ngwani wakali kunoopona, O Mwami? Pele kulinduwe kuli lulekelelo, kuti uyoowegwe. —Intembauzyo 130:3, 4

Elyo bantu bangu baambwa muzina lyangu, na balibombya akupaila akuyandaula busyu bwantru akuleka inzila zyabo zyakubisya, mebo njooswiilila kujulu nkumbede, njoobalekelela milandu yabo, akuponya nyika yabo.

—2 Makani 7:14

Icuuba ncili, sa nkwaambila uuyuminide mubili kuti, Walekelelwa zibi zyako, nanka kuti, Buka,

bweza bulo bwako, enda. Pele nkokuti muzibe kuti Mwana a-Muntu ulijisi bwami ansi ano bwakulekelela bantu zibi zyabo, elyo waambila uuyuminide mubili watu, Webo, ndakwaambila kuti, Buka, bweza bulo bwako, uye kuñanda yako. Mpoonya awo wakayumuka, wabweza bulo bwakwe, wainka, balimweebelede boonse. Lino boonse bakagamba, baleme-ka Leza. —Marko 2:9-12a

Alimwi umwi umwi uubisyabi-sya Mwana a-Muntu ulajatilwa nkuko, pele uusampaula Muuya Uusalala takoojatilwa.

—Luka 12:10

Aboobo kuti muntu waba muli-Kristo, waba mulenge mupya. Zintu zikulukulu zyamaninina, zyoonse zyaba zipyva.

—2 Ba-Korinto 5:17

Naba uli buti muumi uusyoma ndime, takooyoofwa pe. Wazumina obo na?

—Johane 11:26

Eno mbwaakalondoka obo, wa-kaba sikubacitila lufutuko luta-mani boonse abo abamumvwa.

—Ba-Hebrayo 5:9

Kuti mbubonya mbuli cibi caka-ba abwami bwamulufu, alwalo lu-zyalo lube abwami bwabululami buleta buumi butamani bwamuli-

Jesu Kristo Mwami wesu.

—Ba-Roma 5:21

Pele sunu lwalibonya mukupo-mpa kwa-Mufutuli wesu Kristo Jesu, nguwenya wakazoolobia lu-fu akuyubulula buumi butafwiki kunguzu zya-Makani Mabotu.

—2 Timoteo 1:10

Nkaambo mazuba oonse nituci-langa tulaabwa kulufu nkaambo ka-Jesu, kuti buumi bwa-Jesu abwalo buboneke mumibili yesu iifwika.

—2 Ba-Korinto 4:11

Mubbi uzida buyo kubba akuja-ya akunyonyauna, mebo ndazida kuti babe abuumi, akuti buvule.

—Johane 10:10

Bumwi buzuba wakali kwiisya, eno bakalikede awo ba-Farisi abaiyi bamilao, abakazwa kuminzi yoonse yaku-Galilaya aku-Judaya aku-Jerusalem, nkabela inguzu zya-Jehova wakali azyo kubaponya.

—Luka 5:17

Elyo mukaintu uwakali kuzwa bulowa myaaka iili kumi mwiibili, uwakasowa lubono lwakwe loonse kubasilisi, nekubaboobo taakwe uwakamuponya pe, wakasika kusule lya-Jesu, waampa moombe wengubo yakwe, ndilyonya bulowa bwaleka kuzwa. —Luka 8:43, 44

Nkabela moonse mwaakali ku-

ya bunjila, nimuba muminzi nimuba mumagunzi nimuba mumyunda, bakabika balwazi antangala, bakamukumbila kuti baampe nibuba bwaya bwacikobela cakwe, elyo boonse ibakamwaampa bakaponezegwa. —Marko 6:56

Lino nikwakaba kumazuba bakamuletela basibadaimona banji nkabela wakatanda badaimona kujwi, abalo balwazi boonse wakabaponya, kuti acitwe aakaambwa kuli-Isaya musinsimi, kuti, Walo wakabweza matenda esu, akuyumuna malwazi esu.

—Matayo 8:16, 17

20 INGUZU ZYAKUPONYA MALWAZI AANDEENE

Lino (Jesu) wakatambika ijanza lyakwe, wakamwaampa, wakati, Ndazumina, salazigwa. Mpawo cinsenda cakwe cakasalazigwa.

—Matayo 8:3

Wakabika maanza alinguwe, woololoka ndilyonya, walumbaziya Leza.

—Luka 13:13

Kuciindi eco nciconya wakaponya banjibanji kuzilwazi akukuciswa akumyuuya mibi, aboofu banjibanji wababonunuzya.

—Luka 7:21

Naakanjila mumunzi umwi, kwakamucinga baalumi abali kumi basicinsenda. Bakaima kula-

ale. . . . Naakababona wakabambila kuti, Kamuya mukalitondezye kubapaizi. Nobakali kuya bweenda bakasalazigwa.

—Luka 17:12a-14

Lino Jesu naakanjila muñanda ya-Petro wakabona banyinazyala balilede, baciswa intuntumaanzi, nkabela wakabaampa ijanza lyabo, elyo intuntumaanzi yakabaleka, nkabela bakabuka akumukutaukila.

—Matayo 8:14, 15

Nkabela umwi wabo wakauma muzike wamupaizi mupati, wamukosola kutwi kwakwe kwalulyo. Pele Jesu . . . wakajata kutwi kwakwe, wamuponya.

—Luka 22:50, 51

Mpawo naakanjila muñanda
abo boofu bakamuswenenena,
nkabela Jesu wakabaambila kuti,
Sa mulazumina kuti ndakonzya
kucita obo? Bakamwaambila bati,
Ii, mwami. Lino wakaampa meso
aaboo, wati, Akube kulindinywe
mbubonya mbuli lusyomo lwanu.
Nkabela meso aabo akanamuna.

—Matayo 9:28-30a

Lino naakanjila mu-Kaperna-
uma kwakasika kulinguwe umwi
silutwe wabasinkondo, wakamu-
kumbila, wakati, Mwami, mwanaa-
ngu ulilede muñanda, uliyuminide
mubili, ulaciswa loko. . . . Lino
Jesu wakaambila silutwe kuti,
Koya, mbuwakasyoma akube ku-

linduwe mbubonya obo. Lino
mwanaakwe wakaponesegwa ku-
ciindi eco nciconya.

—Matayo 8:5, 6 a-13

Lino wakaambila muntu oyo
kuti, Vungulula ijanza lyako.
Mpawo wakalivungulula, nkabela
lyakapona mbuli lyeenzinyina.

—Matayo 12:13

Eno muntu umwi uwakaliwo,
wakaciswa myaaka iili makumi
otatwe amusanu mwiitatu. . . .
Jesu wakamwaambila kuti, Nya-
muka, bweza bulo bwako, uende.
Mpoonya mpoonya oyo muntu
wakaponyegwa, wakabweza bulo
bwakwe, wakeenda.

—Johane 5:5 a-8, 9a

22 KWIIINA BULWAZI BUMUKAKILA KUPONYA JESU

Sa kuli mulwazi akati kanu?
Oyu aite baalu bambungano, . . .
Kukomba kwalusyomo kulamu-
ponya mulwazi oyo, Mwami ula-
mibusya. —Jakobo 5:14a, 15a

Lino Jesu wakali kuya bwee-
ndeenda moonse mu-Galilaya,
kaya bwiisya muzikombelo zyabo
akukambauka makani mabotu aa-
Bwami akuponya malwazi oonse
amalengwa oonse akati kabantu.

—Matayo 4:23

Bakasika . . . kuponyegwa kuzi-
lwazi zyabo, abalo abakali kupe-
nzegwa myuuya iisofweede, baka-
ponya. Eno makamu makamu aa-
bantu boonse bakali kuyanda ku-

mwaampa, nkaambo kwanuunga
zyazwa nguzu mulinguwe, zyaba-
ponya boonse. —Luka 6:17b-19

Lino bakali kumukumbila kuti
baampe bwaya buyo bwacikobela
cakwe, nkabela umwi aumwi wa-
kaampa wakapona. —Matayo 14:36

Lino kwakamusikila makamu
mapati aabantu, bakajisi zilema,
boofu, basyataambi, batyokede,
abamwi banji, bakafwambaana
kubatula kumaulu aa-Jesu, nka-
bela wakabaponya. —Matayo 15:30

Nkabela kwakamutobela maka-
mu makamu aabantu, lino waka-
baponya nkukonya. —Matayo 19:2

Lino Jesu wakamunyemena. Mpawo daimona wakazwa, nkabela mwana wakapona kuzwa kucindi eco nciconya. —Matayo 17:18

Abalo badaimona bakazwa kubanjibANJI, boompolola bati, Yebo uli Mwana a-Leza. Walo wakabataptila, taakwe naakabazumizya kwaamba, nkaambo bakalimuzi kuti ngu-Kristo. —Luka 4:41

Lino naakasika mutala mucisi caba-Gadara kwakamuswaanga na basibadaimona bobile bazwa kutubanda, kabali bakali loko, katakwe muntu iwakali kukonzya kwiinda munzila eyo. Lino mpawo bakoongolola, bakati, Mulandu-nzi ngutujisi kulinduwe uwe Mwa-

na a-Leza? Sa weza kuti utupe-nzye ciindi kacitana kusika? Nkabela kule kule kuzwa kulimbabo kakuli butanga bwangulube zinji, kazicela. Lino badaimona baka-mukumbila bati, Kuti watutanda, tutume mubutanga bwangulube. Wakaamba wati, Kamuya.

—Matayo 8:28-32a

Lino wakaletelwa umwi sida-imona moofu syataambi, nkabela wakamuponya, elyo syataambi oyo wakatalika kwaamba akubona.

—Matayo 12:22

Lino wakaliitila bali ikumi abibili, . . . Nkabela wakabapa bwami bwakulibadaimona basofweede.

—Marko 6:7

Ndilyonya waswena afwaafwi wajata macila, abakamutembeke-de baima, wati, Mulombe, ndakwaambila, Buka. Mpoonya awo uwakafwide wakabuka, wakala watalika kwaambaula. Nkabela wamupa kulibanyina.

—Luka 7:14, 15

Jesu wakamwaambila kuti, Mwanaakwanu ulabuka. Marta wakamwaambila kuti, Ndilizi kuti uyoobuka mubuzuba bwakubuka bwakumamanino. Jesu wakamwaambila kuti, Ndime kubuka abuumi. Oyo uusyoma ndime, naanooli wakafwa, unooli muumi. . . . Naakamana kwaamba obo, wakoompolola ejwi pati kuti, Lazaro,

kozwa omo. Mpoonya oyo uwakafwide wakazwa, ulizambaidwe kumaboko akumaulu ezisani zyakuzikwa azyalo, ulaangidwe isila kubusu. Jesu wakabaambila kuti, Amumwaangunune, mumuleke aende. —Johane 11:23-25 a-43, 44

Naakacili kwaamba, kwakasika muntu uuzwa kumweendelezi wa-cikombelo, waamba kuti, Mwanaako wafwa, utamukataazyi Mufundisi. . . . Pele walo wakabatanda boonse, wamujata kujanza, woompolola wati, Omusimbi, buka. Mpoonya muuya wakwe wakabolola, wabuka ndilyonya.

—Luka 8:49 a-54, 55a

Eno ndoolu luyando Iwa-Taata,
kuti umwi umwi uubona Mwana
akumusyoma, abe abuumi ubuta-
mani, amebo ndiyoomubusya ku-
buzuba bwakumamanino.

—Johane 6:40

Mutagambwi aliyeeyi nkani,
nkaambo ciindi ciyoosika ncobati
kamvwe ijwi lyakwe boonse abali
muzyuumbwe, bayoozwa mpoo-
nya.

—Johane 5:28, 29a

Ndijisi lusyomo kuli-Leza, abalo
beni mbobasyoma, kuti kulaba
kubuka kwabafu, akwabaluleme
akwabataluleme.

—Incito 24:15

Tulizi kuti oyo iwakabusya
Mwami Jesu ulatubusya aswebo

antoomwe a-Jesu, alimwi ulatusi-
tikizya antoomwe anywebo kubu-
syu bwakwe. —2 Ba-Korinto 4:14

Ncobeni ndamwaambila kasi-
mpe, Ciindi cilasika, ncencico ci-
no, abafwide nobayoomvwa ijwi
lya-Mwana a-Leza, abalo abali-
mvwa bayoopona. —Johane 5:25

Nkaambo Mwami mwini uyoo-
seluka kuzwa kujulu amukunga
ajwi lyaangelo simutwe amwee-
mbo wa-Leza, nkabela nobayoo-
saanguna kubuka abafwide muli-
Kristo. —1 Ba-Tesalonika 4:16

Nkaambo mbuli mbubafwa boonse
muli-Adamu, mbubonya obo
mbubayooponezegwa boonse mu-
li-Kristo. —1 Ba-Korinto 15:22

Lino Jesu wakeza, wabaambila
wati, Ndapegwa bwami boonse ni-
buba bwakujulu nibuba bwaansi.

—Matayo 28:18

Nkaambo kuzwa kumalengelo
aanyika makani aakwe aatabonwi
alaboneka kukumvwigwa kuncito
zyakwe, nkukuti inguzu zyakwe
abu-Leza bwakwe zitamani. Nkaa-
mbo kaako tabakwe bwiinsyo.

—Ba-Roma 1:20

Ukala kululyo lwa-Leza, nkaa-
mbo wakainka kujulu, abaangelo
abasibwami abasinguzu boonse
balibikidwe kunsi lyakwe.

—1 Petro 3:22

Oyo uuzwa kujulu uli ajulu ly-
boonse, oyo uuzwa ansi ngwaan-
si, ulaamba zyaansi, oyo uuzwa
kujulu uli ajulu lyabamwi boonse.

—Johane 3:31

Ngaaya makani ngaamba oyo
uusalala akusinizya, oyo uujisi ci-
jaluzyo ca-Davida, nguwe uujula,
elyo taakwe muntu uujala, alimwi
nguujala, elyo taakwe muntu
uujula. —Ciyubunuzyo 3:7b

Inguzu zyakwe . . . zilitupede zi-
ntu zyoonse zyabuumi azyanko-
mbelo, mukumuzibisya walo uwa-
katwiita kubulemu bwakwe mwi-
ni akuziyanza zyakwe zibotu.

—2 Petro 1:3

Kuziba Zintu Zyoonse

Nekubabooobo, kuti tutababili-
zyi, koya kulwizi, ukawaale kalo-
byo, ukabweze inswi iisaanguna
kuzwa, elyo niwaasamuna mulo-
mo wayo, ulajana mali. Tola ayo,
ubapede ndiswe tobole.

—Matayo 17:27

Akwalo kuti teelede kuti aa-
mbwe bantu, nkaambo walo mwi-
ni walizi izyali mumyoyo yaba-
ntu.

—Johane 2:25

Mubuzuba obo mbwazoobeteka
Leza makani aasisidwe aabantu
muli-Jesu Kristo, mbuli Makani
Mabotu nginkambauka mebo.

—Ba-Roma 2:16

Kusanina Bantu Bali Zyuulu Zyosanwe

Bamwaambila bati, Taakwe nci-
tujisi okuno, pele mikamu yosa-
nwe answi zyobile. Mpawo waka-
ti, Amuzilete okuno kulindime. Li-
no wakalailila bantu kuti bakale
amweemvwe. Mpawo wakabweza
eyo mikamu yosanwe answi ezyo
zyobile, walungama kujulu, walu-
mba, waikomona mikamu, waabi-
la basikwiya bakwe, nkabela ba-
sikwiya bakaabila bantu. Lino
bakalya boonse, bakuta. Alimwi
bakazuza insuwo zili ikumi azibi-
li bufwefwelenga ibwakasyeede.
Abo ibakalya kabali zyuulu zyo-
sanwe.

—Matayo 14:17-21a

Kweenda Atala Amaanzi

Nkabela nikwakaba kubusiku (Jesu) wakasika nkubakabede, keza bweenda atala amaanzi.

—Matayo 14:25

Kulesya Imvula

Aba mbibajisi inguzu zyakusinka julu kuti imvula itawi mazuba oonse aakusinsima kwabo, alimwi bali anguzu zyakusandula maanzi kuti abe bulowa, akuumanyaika amapenzi oonse kufumbwa ciindi ncibayanda.

—Ciyubunuzyo 11:6

Kulesya Mayuwe Aalwizi

Nkabela wakabaambila kuti, Ino nkaambonzi mwaba abukandu, nubasilusyomo-luniini? Mpa-

wo wakabuka, wakalailila myuu-wo amaanzi, nkabela kwakaba lu-batamo lupati. —Matayo 8:26

Kunjila Milyango Kijedwe

Naakamana mazuba aali musa-nu mwaatatu basikwiya bakwe bakali mukati alimwi, awalo Tomaso wakali abalo. Jesu wakasika imilyango neyakajedwe, waima akati kabo wati, Amube aluumu-no.

—Johane 20:26

*Muli-Jesu Zintu Zyoonse
Muzijatene*

Zyoonse buyo zyakalengwa anguwe kuti zibe zyakwe. Ngumutaanzi wazintu zyoonse, nkabela mulinguwe zintu zyoonse muzijatene. —Ba-Kolose 1:16b, 17

Nkaambo tulizi kuti Kristo mbuli mbwabukide kuzwa kubafu tacifwi limbi pe. Lufu talucili abwami bwanguwe pe. —Ba-Roma 6:9

Pele kuti ulimukalilide mukati Muuya wasikubusya Jesu kuzwa kubafu, elyo oyo sikubusya Kristo kubafu ulapononosya mibili yanu mifwisi ayalo kunguzu zya-Muuya wakwe uumukalilide mukati. —Ba-Roma 8:11

Ndime oyu uupona, nekubaboo-bo ndakalifwide. Lino . . . ndapona lyoonse mane kukabe kutamani. —Ciyubunuzyo 1:18a

Amuyobekele Leza cakukondwa, nonyika yoonse; amute-mbaule bulemu bwazina lyakwe;

amumulemeke antembauzyo. Amwaambile Leza kuti, Milimo yako ilagambya! Nkaambo kanguzu zyako zipati basinkondonyoko balalibombya kubusyu bwako. Nyika yoonse ilakukotamina; balakutembaula, balatembaula izina lyako. Sela. —Intembauzyo 66:1-4

Inguzu Mu-Bwami Bwakwe

Nkaambo Bwami bwa-Leza tabuli bwakwaamba buyo pe, mbwanguzu. —1 Ba-Korinto 4:20

Alimwi bayoolwana a-Mwanambelele, pele Mwanambelele uyoobazunda, nkaambo ngonguwe mwami wabami, ngumweendezi wabeendezi. —Ciyubunuzyo 17:14a

Bwami Kubantu Boonse

Mbubonya mbookamupa bwa-mi kubantu boonse, kupa buumi ubutamani kulibaabo boonse mbookamupa. —Johane 17:2

Inyika Yakazungaana Naakafwa

Nkabela Jesu wakoongolola lwabili ajwi ipati, elyo waka-fwa.... Alimwi nyika ya kazun-gaana. —Matayo 27:50, 51b

*Kubweza alimwi
Buumi Bwakwe*

Taata ncandiyandila, nkaambo nditula buumi bwangu, kuti nka-bubweze alimwi. Takukwe uundi-nyanga mbubo, pele ndabutula ndemwini. Ndijisi bwami bwaku-

butula, alimwi ndijisi bwami bwa-kububweza. Ngomulao ngwend-a-katambula kuli-Taata.

—Johane 10:17, 18

Kumweka Abulemu Bwakujulu

Nkabela wakasanduka kubusyu bwabo. Busyu bwakwe bwakaba-la mbuli izuba, azyakusama zya-kwe zyakatuba buu mbuli mumu-ni.

—Matayo 17:2

Kujoka Munguzu Abulemu

Jesu wamwaambila wati, Waa-mba. Alimwi ndamwaambila kuti kuzwa sunu mulabona Mwana a-Muntu ulikede kululyo lwa-Si-nguzu, uleza amayoba aakujulu.

—Matayo 26:64

Kulekelela Zibi

Pele mukazibe kuti Mwana a-Muntu uli abwami ansi ano bwa-kulekelela bantu zibi, lino waa-mbila oyo uuyuminide mubili ku-ti, Buka, bweza bulo bwako, uye kuñanda yako.

—Matayo 9:6

Kupa Buumi Butamani

Imbelele zyangu zilamvwa ijwi lyangu, ndilizizi, zilandicilila. Ndazipa buumi ubutamani.

—Johane 10:27, 28a

Kunununa Muntu Oonse

Akwalo kuti kukambaukwe mu-zina lyakwe kweempwa akujati-lwa kwazibi kumasi oonse, ku-saanguna ku-Jerusalemu.

—Luka 24:47

Kusalazyia Myoyo

Akusalazigwa kunguzu zya-Muuya Uusalala, kuti mumuswii-lilisye Jesu Kristo akusansailwa kubulowa bwakwe.

—1 Petro 1:2b

Kucita Muntu Abe Muzundi

Mwami ulandivuna kububi bo-nse, ulandipa lufutuko mubwami bwakwe bwakujulu.

—2 Timoteo 4:18a

Kucita Muntu Akale Mulusyomo

Kuti lusyomo Iwanu kalutabi mubusongo bwabantu anukuti munguzu zya-Leza.

—1 Ba-Korinto 2:5

Nciceeco Leza ncaakamusu-
mpula akumupa izina ibotu kwii-
nda mazina oonse, kuti boonse ba-
fugame mazwi cakulemeka izina
lya-Jesu, nibaba baansi nibaba ba-
kuju. —Ba-Filipi 2:9, 10a

Anu ezi zyakalembwa kuti mu-
kasyome kuti Jesu ngu-Kristo,
Mwana a-Leza, akuti kukusyoma
mukabe abuumi muzina lyakwe.
—Johane 20:31

Mufundisi, twakabona muntu
umwi ulatanda badaimona muzi-
na lyako, nkabela twakamukasya,
nkaambo takakali kucilila antoo-
mwe aswe. Pele Jesu wakati, Mu-
tamukasyi pe, nkaambo taa-
kwe muntu uucita malele muzina

lyangu uuyoofwamba kundibisya-
bisya. —Marko 9:38b, 39

Eno coonse icili buti ncomuti
kakumbile muzina lyangu ndiyoo-
cicita, kuti Taata akalumbaizigwe
mu-Mwanaakwe. Kufumbwa nco-
muyookumbila muzina lyangu,
ndiyoomucitila ncico.

—Johane 14:13, 14

Ndilyonya Petro wakati kuli-
nguwe, Insiliva niiba ngolida nsiji-
si pe, kwalo ncenjisi ndakupa.
Muzina lya-Jesu Kristo wa-Naza-
reta, nyamuka, uende. Wakamuja-
ta ejanza lyalulyo, wamwiimiki-
zya. Ndilyonya maulu aakwe engo
zyakwe zyakajana nguzu.

—Incito 3:6, 7

Mulinguwe mumonya mutujene lunununo nkaambo kabulowa bwakwe, lulekelelo lwamilandu yesu, mbubonya mbuli buvubi bwaluzyalo lwakwe. —Ba-Efeso 1:7

Cinywido eci ngomulongo mupya wamubulowa bwangu, ubutikaikila ndinywe. —Luka 22:20b

Lino bakamuzunda kubulowa bwa-Mwanambelele akujwi lyabumboni bwabo. —Ciyubunuzyo 12:11a

Eno Leza waluumuno, uwakabusya kuzwa kulufu mweembezi mupati wambelele, nguwenya Jesus Mwami wesu, abulowa bwamulongo uutamani, amukondezye ku-

zintu zyoonse kuti mucite luyando lwakwe. Abeleke mumyoyo yesu milimo iimukonda kubusyu bwakwe, kunguzu zya-Jesu Kristo. Kulinguwe akube bulemulyoonse alyoonse. Ameni.

—Ba-Hebrayo 13:20, 21

Mbaaba bakazwa kumapenzi ayo mapati, alimwi bakasanzya zikobela zyabo akuzitubya mubulowa bwa-Mwanambelele.

—Ciyubunuzyo 7:14b

Pele na tuleenda mumumuni, mbubonya alakwe mbwali mumumuni, tulijisi luswanaano umwi aumwi, alimwi bulowa bwa-Jesu Kristo Mwana wakwe bulatusalya kuzibi zyoonse. —1 Johane 1:7

Bakaamba ajwi ipati bati, Uelede Mwanambelele iwakajayigwa. Uelede kutambula bwami abuvubi abusongo, anguzu alulemeko abulemu azilongezyo.

—Ciyubunuzyo 5:12

Lino bamasi balayoowa izina lya-Jehova, abami boonse baansi balayoowa bulemu bwako bantu batanazyalwa batembaule Jehova. —Intembauzyo 102:15 a-18b

Pele nywebo muli musyobo musalé, bapaizi bami, cisi cisalala, bantu bavubidwe kuli-Leza kuti mukatondezye milimo iitembaulika yayoooyo uwakamwiita kuzwa mumudima akumunjizya mumu-

muni wakwe uugambya.

—1 Petro 2:9

Amutembaule Jehova uukala mu-Ziyoni, amuluule milimo yakwe akati kabamasi. . . . Inywe nomuyooowa Jehova, amumute-mbaule. —Intembauzyo 9:11; 22:23a

Bantu bakulumbe, O Leza, bantu boonse bakulumbe. Nyika yapa micelo yayo; Leza, Leza wesu, watulongezya. Leza atulongezye, magolelo oonse aanyika amulemeka. —Intembauzyo 67:5-7

Zilongezyo abulemu abusongo amilumbo alulemeko anguzu abukozu azibe kuli-Leza wesu lyoonse alyoonse. Amen!

—Ciyubunuzyo 7:12b

Lino mpawo kwakamusikila umwi, wakati, Mufundisi, ncintunzi cibotu ncinti cite kuti mbe abuumi butamani? Wakamwaaambila wati, Ino nkaambonzi wandumbuzya acibotu? nkwalil omwe mubotu. Pele kuti koyanda kujila mubuumi, tobela milazyo. Wamwaambila wati, Milazyonzi? Nkabela Jesu wakaamba wati, Utajayi, Utaciti bumambi, Utabbi, Utalengeleli umwi cakubeja, Lemya uso abanyoko, nkabela, Yanda mweenzinyoko mbuli mbo- liyanda omwini. Lino oyo mu-kubusi wamwaambila wati, Eyi yoonse ndaijatisya. Ino ncinzi nci- ncibula? Jesu wakamwaambila

wati, Kuti koyanda kulondoka, koya ukauzye imbono zyako, ukaabile bacete, nkabela uzoojana buvubi kujulu, lino uboole kuzootobela ndime. —Matayo 19:16-21

Empwa, Syoma, Tambula

Jesu wakasika . . . akwaamba kuti, Casika ciindi, Bwami bwa-Leza buliswenede afwaafwi. Amweempwe, muzuminine Makani Mabotu. —Marko 1:14b, 15

Wakaliwo ansi, inyika yakaa-nzwa nguwe, pele inyika tiikamu-zibide. . . . Ino boonse abamuzu-mina, nkokuti abasyoma zina lyakwe, wabaabila nguzu zyaku-sanduka akuba bana ba-Leza.

—Johane 1:10 a-12

Nkaambo mulao wakapegwa
Musa, pele luzyalo abwini zyaka-
zwa kuli-Jesu Kristo. —Johane 1:17

Jesu wakamwaambila kuti, Ndi-
me nzila, ndime bwini, ndime
buumi. Takukwe uuza kuli-Taata,
pele mulindime. —Johane 14:6

Ngwani mubeji cita oyu uutazu-
mini kuti Jesu ngu-Kristo? Ngoo-
yo Sikulwanya-Kristo, oyo uuta-
ma Taata a-Mwanaakwe.
—1 Johane 2:22

Amunjile mumulyango uuman-
kide, nkaambo mulyango uukwa-
zeme anzila impati njiitola kuku-
nyonyooka, nkabela abo banjila

mulinjiyo mbanjibanji. Mulyango
uumanikide anzila iipatide njiitola
kubuumi, nkabela abo biijana
mbace. —Matayo 7:13, 14

Mulinguwe momwakali buumi,
buumi obu wakali Mumuni waba-
ntu. —Johane 1:4

Nkaambo mbubonya Taata
mbwajisi buumi mulinguwe mwini,
awalo Mwana wakamupa mbu-
bonya, kuti abe abuumi mulingu-
we mwini. —Johane 5:26

Ndime nsima ngumi iyakazwa
kujulu, na muntu wiilya nsima eyi
unooli muumi lyoonse.
—Johane 6:51a

Nkaambo Kristo teewakanjila mu-Busena Busalala ubwakaya-kwa amaanzaaabantu . . . pe, wakanjila kujulu kwini buya, kuti akapompe kubusyu bwa-Leza nkaambo kandiswe. Nkabela takweensi kuyoolituula kanjikanji, mbuli mupaizi mupati mbwanjila mu-Busena Busalala myaaka yoonse, natolelela bulowa butali bwakwe, nkaambo kakuti nokwali boobo, ukuzwida kumalengelo aanyika Kristo nataleki kupengekana lyoonse. Anu pe, walo wakaa-kupompa komwe buyo kuciindi camamanino kuti akalobye zibi kukulipaila mwini. Lino mbuli mbokubede kuti bantu kabanga kabafwa lweendo lomwe, elyo ba-

betekwe, mbubonya obo awalo Kristo, amana kulituula komwe ukuyumuna zibi zyabanjibanji, ulapompa alimwi lwabili, azibi zitawo, kuzoofutula baabo abamu-langila. . . . Takukwe lufutuko kuluumbi naba omwe pe, nkaambo takukwe zina limbi ansi il-ipegwa bantu, ndotweelede kufutulwa andilyo.

—Ba-Hebrayayo 9:24-28, Incito 4:12

Inguzu Zyakwe Zyakuwaala Mu-Gehena

Alimwi mutabayoo wi bajaya mibili pele tabakonzyi kujaya muuya, amuyoowe nguwe uukonzya kujaya mibili antoomwe a-muuya mu-Gehena. —Matayo 10:28

38 INGUZU ZYA-KRISTO ZITAMANI ZYAKUFUTULA

Ijwi linilini litambulika loko ndeeli lyakuti, Kristo Jesu waboola ansi ano kuzoofutula bacitabi. Lino mebo ndi sizibi kwiinda boonse.

—1 Timoteo 1:15

Nkaambo nsiusi insoni ku-Makanji Mabotu aa-Kristo pe, nkaambo ninguzu zya-Leza zyakufuta boonse basyoma.

—Ba-Roma 1:16a

... Balalulamikwa buyo kulyalo lwakwe kubununu bwamuli-Jesu Kristo. Walo nguwe ngwakabika Leza kuti abe mulungo, cakulusyomo lwamubulowa bwakwe. Ncitondezyo cabululami bwakwe, nkaambo kakuleka kwa-

zibi ezyo izyakacitwa kalekale.

—Ba-Roma 3:24, 25

Pele oyo uuti nywe maanzi ngenti mupe, tacifwi limbi, pele maanzi ngenti mupe buyooba bulolo bwamaanzi mulinguwe, aatuntumukila kubuumi ubutamani.

—Johane 4:14

Nkaambo kaako, nobakwesu, amusungwaale kusimpizya lusinizyo lwakwiitwa kwanu alwakusala kwani, nkaambo na mwacita aya makani, tamukooyoolebwa limbi.

—2 Petro 1:10

Amubone, ndamupa bwami... atala lyenguzu zyoonse zyasinkondoma.

—Luka 10:19

KULUFUTUKO LEZA WAKAPA ZYOONSE, PELE TALUULWI, PE

39

Lufutuko Lwakatolelwa Kunji!

Nkaambo obuya Leza mbwaa-kayandisya nyika, wakapa Mwanaakwe simuzyalwa alike, kuti umwi umwi uumusyoma atafwidilili, pele abe abuumi ubutamani.

—Johane 3:16

Mwami Wazilengwa Zyoonse Wakatufwida!

Elyo Jesu wakaamba kuti, Taata, ubajatile, nkaambo tabezi nco-bacita. . . . Jesu wakoompolola ejwi pati lyakuti, Taata, nduupe-da muuya wangu mumaanza aako. Ucimana buyo kwaamba obo wafwa.

—Luka 23:34a, 46

Kulindiswe Nkubweza Buyo

Lino Muuya anabwiinga balaa-mba kuti, Boola. Ayooyo uuswii-lila alakwe aambe kuti, Boola. Ayooyo uufwide nyota aboole. Amuntu woonse uuyanda anywe cabuyo maanzi aabuumi.

—Ciyubunuzyo 22:17

Kwiina Luyando Lwiinda Oolu!

Mebo ndibe mulimbabo, ayebo mulindime, kuti bazuzigwe kuba bamwi, kuti inyika ikazibe kuti nduwe owakandituma, nduwe owakabayanda mbubonya mboo-kali kundiyanda amebo.

—Johane 17:23

40 AMULYAAABE LINO CAKUMANININA KU-MWAMI JESU KRISTO

Amulyaambe Zibi Zyanu Akweempwa

Kuti twalyaamba zibi zyesu,
walo ulasyomeka akululama, ula-
tulekelela zibi zyesu akutusalazi-
nya zitaluleme zyoonse.

—1 Johane 1:9

Aboobo amweempe, musandu-
ke, kuti zibi zyanu zijatilwe.

—Incito 3:19a

Amusyome Mu-Mwana Wa-Leza

Lino bukamboni mboobu, bwa-
kuti Leza wakatupa buumi buta-
mani, obu buumi buli mu-Mwana
wakwe. Oyo uujisi Mwana ulijisi
buumi, pele oyo uutajisi Mwana

wa-Leza tajisi buumi, pe.

—1 Johane 5:11, 12

Oyo uusyoma Mwana nguuli
abuumi ubutamani, pele oyo uuta-
mvwi Mwana takooyoobona buu-
mi, pele bukali bwa-Leza bulikede
alinguwe.

—Johane 3:36

Sa tamuzi kuti umwi aumwi
ngumulyaabila kukuswiilila, muli
bazike bayooyo ngumuswiilila, ni-
kuba zibi zileta lufu, nikuba lu-
swiililo luleta bululami.

—Ba-Roma 6:16

Alimwi mutaabili zibi zizo zya-
nu mbuli zicityo zyakutalulama,
pele amulyaabile Leza.

—Ba-Roma 6:13a

Luyando Kuleka Kuyoowa

Nkaambo Leza takatupede muuya wabukandu, pe, wakatupa muuya wanguzu awakuyandana awakulibamba. —2 Timoteo 1:7

Taakwe kuyoowa muluyando, pele luyando lulondokede ndolugwisia kuyoowa, nkaambo kuyoowa nkokuji mapenzi. Oyo uuyowa talondoledwe muluyando.

—1 Johane 4:18

Lusyomo Kuleka Kusula

Na muntu wati, Ndamuyanda Leza, nekubaboobo ulasula mweenzinyina, oyo mubeji. Nkaambo oyo uutayandi mweenzinyina ngwabwene takonzyi kuyanda Leza ngwatanabwene. Nkabela ngoo-

yu mulazyo ngutwakajana uuzwa kulinguwe, wakuti oyo uuyanda Leza uleelede kuyanda mweenzinyina alakwe. —1 Johane 4:20, 21

Pele micelo ya-Muuya njeeyi: —luyandano, lukondo, luumuno, busicamba, buuya, bubotu, lusyomo, lubombo, kulyeendeleta.

—Ba-Galatiya 5:22, 23a

Lusyomo Kuleka Kudooneka

Nguni uukonzya kutwaandanya kuluyando Iwa-Kristo? Sa mapenzi naaba mapakasyo naaba mafwabi niiba inzala niciba cintanda nibuba bulowe niliba isumo?... Pele mumakan aya oonse tulazunda cakwiinda nkaambo kayooyo uutuyanda. —Ba-Roma 8:35 a-37

42 INGUZU ZYA-LEZA MUBASYOMI BAKASIMPE

Luzyalo Ndwaluyando, Kwiina Kuledelelwa

Buumi bwanu butabi bwakuya-
nda mali, pe, mutabi basyaacivu-
lemwangu, nkaambo Leza wakati,
Niskwe nenti kamulekelezye no-
kuba kuyoomuleka buyo pe, pe.

—Ba-Hebrayo 13:5

Luumuno, Kutali Kupenzya

Ndamusiila luumuno, ndamupa
luumuno lwangu, nsimupi mbuli
mbwiipa nyika. Myoyo yanu ita-
pensi nokuba kuyoowa.

—Johane 14:27

Ikuti miyeeyo yanyama ndufu,
anukuti miyeeyo yamuuya mbuu-
mi, alimwi nduumuno.

—Ba-Roma 8:6

Lino mbuli mbutululamikwa ku-
lusyomo, atube aluumuno a-Leza
muli-Jesu Kristo Mwami wesu.

—Ba-Roma 5:1

Buvubi Bwinibwini, Kutali Kulikumbuzya

Wakati kulimbabo, Amucenje-
le, amulilesye kukulikumbuzya
koonse, nkaambo buumi bwamu-
ntu tabuzwi kukuvuba kwazintu
nzyajisi.

—Luka 12:15

Amuswiilile nobakwesu baya-
ndwa. Sa Leza takabasalide baa-
mbwa kuti mbacete ansi ano, kuti
bakabe bavubi kulusyomo aba-
swaana babwami mbwaakasyo-
mezya baabo bamuyanda?

—Jakobo 2:5

Kuba Masimpe, Kutali Kutaziba

Ezi zintu ndakazilemba kulindinywe nomuzumina kuzina lya-Mwana wa-Leza, kuti muzibe kuti mulijisi buumi butamani.

—1 Johane 5:13

Nkaambo ngu-Leza uubeleka mumyoyo yanu, mbuli mbwayanda, akumupa inguzu zyoonse nzi-mubula niziba zyakukanza niziba zyakucita.

—Ba-Filipi 2:13

Kusalala, Kutali Kulicenjeezya

Lino mbuli mbomusalazizye myoyo yanu kukuswiilisya lusinizyo akukuleta luyandano lwanbunyina lwinilwini, amukayandane camyoyo acanguzu.

—1 Petro 1:22

Anu calo cintu ciyandwa nduya-

ndano luzwa mumoyo uusalala amukweezeezya kubotu amulisyomo lwinilwini. —1 Timoteo 1:5

Kubotelwa Mubusena Bwakuusa

Lino Leza wabulangizi amuzuye bukondwi boonse aluumuno mukusyoma kwanu.

—Ba-Roma 15:13a

Ndamwaambila makani aya, kuti kubotelwa kwangu kube kulinidinywe, akwalo kuti kubotelwa kwanu kukazyulile.

—Johane 15:11

Anywebo mulausa eno pele ndiyoomubona alimwi, myoyo yanu iyookondwa, akwalo kukondwa kwanu takukwe uuti kamunyaange.

—Johane 16:22

44 INGUZU ZYA-LEZA MUBASYOMI BAKASIMPE

Inguzu Mubusena Bwabuteteete

Kumalekelo, nubakwesu, amuyume mu-Mwami amunguzu zya-kwe impati. —Ba-Efeso 6:10

Bulangizi Mubusena Bwakutyompokelwa

Akulindila eco coolwe ncotulangila, nkokuti kupompa kwabulemu kwa-Leza wesu mupati, Mufutuli wesu Jesu Kristo. —Tito 2:13

Kuti kumakani aya obile aatasanduki ngatakonzya kubeja Leza, tukabe aluumbulizyo luyumu, swebo notutijila kuti tujatisye bulangizi bubikidwe kumeso esu. Obu bulangizi tulibujisi ukuba anga musemu wamuuya, umuyumu nta, uutazungaani, uuinda mu-

kati kacisitilizyo.

—Ba-Hebrayo 6:18, 19

Tulalumba Leza Wisi Mwami wesu Jesu Kristo, . . . nkaambo kabulangizi mbumuyobwedwa kujulu. —Ba-Kolose 1:3a, 5a

Kuloma Mubusena Bwakucenga

Amujatisye kweenda kwanu kubotu akati kabamasi, kuti nobamusendaula sunu kuti muli babi, bakamulemye Leza kubuzuba bwakulingula nkaambo kakulangilila milimo yanu mibotu.

—1 Petro 2:12

Bwini Kutali Kubeja

Alimwi muyooziba bwini, abwalo bwini buyoomunununa.

—Johane 8:32

Buzundi Kutali Kuzundwa

Coonse cili buti cizyedwe kuli-
Leza cilazunda nyika, nkabela lu-
zundo luzunda nyika ndoolu, ndu-
syomo lwesu. —1 Johane 5:4

Alimwi ndakabona . . . abo iba-
kazundide cinyama acikozyano
caco amweelwe wazina lyaco ba-
kaliimvwi atala alwizi lwaciboni-
boni, balijisi tuntimbwa twa-Leza.

—Ciyubunuzyo 15:2

Kukomena Kutali Buvwanda

Aboobo atuleke kwaamba ma-
kani aakusaanguna aa-Kristo, a-
tuye kumbele kumakani aabupati,
tutabiki limbi antalisyo, nkukuti
makani aakweempa kumilimo iya-

kafwa kale, amakani aakusyoma
Leza. —Ba-Hebrayo 6:1

Amukozye mbuli bavwanda ku-
kuyandisya mukupa wamuuya
uutavwelwi acintu, kuti mukome-
ne anguwo mulufutuko.

—1 Petro 2:2

Tuleelede kujatisya lusinizyo
cakuyandana, aboobo tulakonzya
kukula muziyanza zyoonse akuja-
tana ayooyo uuli mutwe wesu,
nkukuti Kristo. —Ba-Efeso 4:15

Zilaleta Kukozyanya a-Kristo

Oyo uuamba kuti ndi mulingu-
we, uleelede kweenda mwini mbu-
bonya mbuli mbwaakeenda walo.

—1 Johane 2:6

46 INGUZU ZYA-LEZA MUBASYOMI BAKASIMPE

Inguzu Mubuntu Bwamumoyo

Ndakomba kuti bulemu bwa-kwe bugambya bucite kuti ku-janza lya-Muuya wakwe muyumisi-gwe canguzu mubuntu bwanu bwamumoyo. —Ba-Efeso 3:16

Zintu zyoonse buyo ndaziko-nzya nkaambo kanguzu nzimpe-dwe kuli-Kristo. —Ba-Filipi 4:13

Tazilangi Kubusongo Bwabantu

Nkabela makani aangu ngenda-kakambauka kaatali amajwi aa-busongo akusakamika matwi pe, pele alwiimiko lwa-Muuya alwa-nguzu, kuti lusyomo Iwanu kalu-tabi mibusongo bwabantu anuku-ti munguzu zya-Leza.

—1 Ba-Korinto 2:4, 5

Inguzu Zyakupa Bukamboni

Kwalo muyootambula nguzu, wasika alindinywe Muuya Uusa-lala, myooba bakamboni bangu munu mu-Jerusalemu, . . . mane kusikila kumamanino aanyika.

—Incito 1:8

Swebo tuli bakamboni bamaka-ni aya, awalo Muuya Uusalala, ngwapa Leza kulibamumvwa.

—Incito 5:32

Nkabela baapostolo bakali ku-lungulula canguzu loko makani aabubuke bwa-Mwami Jesu, ali-mwi luzyalo lupati lwakali abo boonse.

—Incito 4:33

INGUZU ZYA-LEZA ZYAKUKWABILILA BASYOMI 47

Nsikumbili kuti ubagwisye munyika, pele kuti ubavune kulooyo mubi.

—Johane 17:15

Elyo luumuno lwa-Leza lwiinda miyeeyo yoonse yabantu luyooaya minina myoyo yanu amiyeeyo yanu muli-Kristo Jesu. —Ba-Filipi 4:7

Wakati kulimbabo, Ndakamubona Saatani ulaloka kujulu mbuli lulabo. Amubone, ndamupa bwami bwakulyata nzoka atubanze, abwami atala lyenguzu zyoonse zyasinkondoma, taakwe ciyoomucisa akaniini.

—Luka 10:18, 19

Webo wakajatisya ijwi lyangu lyalukakatilo, aboobo mebo njokujatisya kuciindi cakusunkwa ci-

ti sikile bantu boonse banyika akubasunka boonse bakala ansi.

—Ciyubunuzyo 3:10

Oyo uuzunda akubamba milimo yangu kusikila kumamanino, kulinguwe njoomupa bwami kubantu bamasi oonse. —Ciyubunuzyo 2:26

Amuyume mu-Mwami amunguzu zyakwe impati. Amusame zi-lwanyo zyoonse zya-Leza, kuti mukonzye kwiima mumeneeno aa-Diabolosi.

—Ba-Efeso 6:10b, 11

Makataazyo aanu oonse amwaa-sowele kumaanza aakwe, nkaa-mbo nguumucebuka lyoonse.

—1 Petro 5:7

48 ZISYOMEZYO ZYA-LEZA ZIGAMBYA ZYAKWANA

*Nzizyesu Kwiinda Mulusyomo,
Leza Wesu Alike Singuzuzyoonse
Ngukonzya Kuzizulizya*

Alimwi zintu zyoonse nzimukumbila mukukomba kwanu, ni mwasyoma tuyoozipegwa.

—Matayo 21:22

Mwanookalilila mulindime, aalo majwi aangu anookalilila mulindinywe, mwaakukumbila kufumbwa cintu ncomuyanda, ciyooba mpa wo.

—Johane 15:7

Lino kaanzambwene nkitujisi kubusu bwakwe nkaaka kakuti, na twakumbila kufumbwa cintu cili buti cili mbuli makanze aakwe, ulatumvwa. —1 Johane 5:14

Amukumbile, mulapegwa. Amuyandaule, mulajana. Amukonkomone, mulajulilwa. Nkaambo umwi aumwi uukumbila ulatambula, alakwe uuyandaula ulajana, alakwe uukonkomona ulajulilwa.

—Matayo 7:7, 8

Ncobeni ndamwaambila kasi mpe, Oyo uundisyoma, uyoocita milimo iili mbuli njencita, mane do akiicite mipati iinda eyi, nkaambo ndiya kuli-Taata. Eno coonse icili buti ncomuti kakumbile muzina lyangu ndiyoocicita, kuti Taata akalumbaizigwe mu-Mwanaakwe. Kufumbwa ncomuyookumbila muzina lyangu, ndiyooomucitila ncico. —Johane 14:12-14

Boobo ncindamwaambila kuti, coonse ncimukomba akumbila, amusyome kuti mulambula nciconya, elyo mulacipegwa ncobeni. —Marko 11:24

Jesu wakamwaambila kuti, Wanookonzya buti? Zintu zyoonse zilakonzeka kuliyooyo uusyma. —Marko 9:23

Kolibotezya muli-Jehova, nkabela uyookupa moyo wako nzyuyanda. Leka inzila yako mu-maanza aa-Jehova; komusyoma, nkabela uyoocita.

—Intembauzyo 37:4, 5

Mwami wakati, Mwanoojisi lusyomo ululi mbuli nseke yamusitada, muyooambila mubula oyu kuti, Zyuka awa, ukasimpwe mulwizi, uyoomumvwa.

—Luka 17:6

Lino Leza wangu ulamuzulizzya zyoonse nzimubula anywebo kuzwa kubuvubi bwakwe bulemu buli muli-Kristo Jesu.

—Ba-Filipi 4:19

Nobayandwa, kuti myoyo yesu tiitupi mulandu, elyo tulijisi kaanzambwene kunembo ly-Leza. Coonse ncitukumbila kulinguwe tulacitambula, nkaambmo tulabamba milazyo yakwe akucita ezyo zintu zibotezya kumeso aakwe. —1 Johane 3:21, 22

Eno mwamana kupenga kaindi, Leza siluzyalo loonse, uwakamwiita mubulemu bwakwe butamani buli muli-Jesu Kristo, ulamupa inguzu akumuzyatika akumubbombomeka.

—1 Petro 5:10

Text reprinted from the Bible in Tonga by permission of the United Bible Societies Africa Regional Centre, Nairobi, Kenya.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

Cover photo STSci-PRC2003-11a of Helix Nebula courtesy of NASA and STSci

www.wmpress.org

11-20

733 Tonga POG